



**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA TEŠANJ
OPĆINSKI NAČELNIK**

Broj: 02-49-2-1090/13

Datum: 10.05.2013. godine

Na osnovu člana 8. Zakona o ministarskim, vladinim i drugim imenovanjima Federacije Bosne i Hercegovine ("Službene novine Federacije BiH" broj 34/03), člana 8. Odluke o utvrđivanju Standarda i kriterija za imenovanje na upražnjene pozicije u reguliranim tijelima Općine Tešanj ("Službeni glasnik općine Tešanj" broj 8/03, 1/04 i 10/06) i člana 30. Statuta Općine Tešanj ("Službeni glasnik Općine Tešanj" broj 11/07) Općinski načelnik objavljuje

**JAVNI OGLAS
za izbor kandidata ispred Općine Tešanj
za članove Nadzornog odbora JP Toplana Tešanj**

1. Naziv pozicije

Nadzorni odbor.....3 (tri) člana nadzornog odbora na mandatni period od 4 (četiri) godine.

Dva člana nadzornog odbora se nominuju ispred osnivača, a treći član se nominuje uslovno ispred osnivača za slučaj da se na Skupštinu društva ne prijave kandidati iz reda ostalih dioničara ili se prijave kandidati iz reda ostalih dioničara koji ne ispunjavaju uslove.

2. Opis poslova:

bira predsjednika nadzornog odbora; nadzire poslovanje preduzeća; priprema poslovnike i predlaže ih skupštini; podnosi prijedlog za imenovanje odbora za reviziju; daje mišljenje skupštini o prijedlogu Uprave za raspodjelu dobiti preduzeća i predlaže način pokrića gubitka; bira i imenuje članove uprave direktora na osnovu javnog konkursa; usvaja izvještaj uprave – direktora; podnosi skupštini izvještaj o poslovanju preduzeća koji uključuje izvještaj revizora, izvještaj o radu nadzornog odbora i odbora za reviziju i plan poslovanja za narednu godinu; saziva skupštinu društva i nadzire upravu u provođenju preporuka datih od strane odbora za reviziju vanjskog revizora; daje upute direktoru za provođenje preporuka u vezi sa uočenim nepravilnostima; vrši i druge poslove utvrđene Statutom preduzeća i zakonom, a koje se odnose na dionička društva.

3. Opći uslovi koje kandidat treba ispunjavati:

1. da je državljanin Bosne i Hercegovine i da nije stariji od 70 godina na dan imenovanja;
2. da nije otpušten iz državne službe kao rezultat disciplinske mjere na bilo kojem nivou u Bosni i Hercegovini u periodu od tri godine prije dana objavljivanja ovog javnog oglasa;
3. da nije obuhvaćen odredbama člana IX. 1 Ustava Bosne i Hercegovine;
4. da nije „kandidat koji se ne kvalifikuje“ iz člana 5. Zakona o ministarskim, vladinim i drugim imenovanjima FBiH (Službene novine FBiH“ broj 12/03 i 34/03);
5. da nije član upravnog ili nadzornog odbora u više od jednog reguliranog organa;
6. da nema privatni finansijski interes u reguliranom organu u koji se kandiduje,
7. da nije osuđivan za krivično djelo i za privredni prijestup koji je nespojiv s dužnošću u nadzornom odboru, pet godina od dana pravosnažnosti presude, isključujući vrijeme zatvorske kazne;
8. da mu presudom suda nije zabranjeno obavljanje aktivnosti u nadležnosti nadzornog odbora.

4. Posebni uslovi:

- visoka ili viša školska sprema – VII ili VI stepen stručne spreme;

- 5 (pet) godina radnog iskustva nakon sticanja odgovarajuće školske спреме.

5 Za prijavu na javni oglas kandidat je dužan dostaviti sljedeće (original ili ovjerenu kopiju):

1. prijavu sa biografijom, adresom i kontakt telefonom;
2. izvod iz matične knjige rođenih;
3. uvjerenje o državljanstvu;
4. ovjerenu izjavu da ispunjava opće uslove broj 2., 3., 4., 5. i 6. (obrazac izjave može se preuzeti na šalteru Općine);
5. dokaz o školskoj spremi;
6. dokaz o radnom iskustvu.

Sa kandidatom koji bude ispunjavao sve potrebne uslove bit će obavljen intervju.

Kandidat koji bude izabran dužan je u roku od 8 (osam) dana dostaviti : uvjerenje da nije osuđivan za krivično djelo i za privredni prijestup nespojiv s dužnošću u nadzornom odboru, pet godina od dana pravosnažnosti presude, isključujući vrijeme zatvorske kazne; uvjerenje da mu presudom suda nije zabranjeno obavljanje aktivnosti u nadležnosti nadzornog odbora.

Prijavu na oglas i sve tražene dokumente treba dostaviti u roku od 15 dana od objave javnog oglasa u „Službenim novinama FBiH“ lično ili poštom na adresu: **Općina Tešanj, Trg Alije Izetbegovića 11, 74260 Tešanj, sa naznakom: “Prijava na javni oglas za izbor kandidata ispred Općine Tešanj za članove Nadzornog odbora JP Toplana Tešanj”.**

Nepotpune, neblagovremene i neuredne prijave neće se uzeti u razmatranje.

Dostavljeno:

1. „Službene novine Federacije BiH“
2. „Oslobođenje“
3. Web stranica Općine Tešanj
4. Arhiva

OPĆINSKI NAČELNIK
mr.sci. Suad Huskić, profesor